



今詩所見集選

八

19  
191  
8 止

館書圖學大田稻与  
號 259 第  
册 8 第



明 48  
號 191  
8 止



今詩所見集選 卷十五

古歛黃承增心齋甫輯

于宗瑛

紫亭漢軍鑲紅旗人來鶴堂詩文集

王西莊曰紫亭先生與余同登進士第同入翰  
 林把臂論文致為莫逆猶憶庶常館初開每逢  
 課試同年諸友皆蹙鼻苦吟哦惟恐不得一當  
 紫亭獨蕭散自得若不經意甫擲管稿已就予  
 亦雅不喜刺促硯席間納卷畢輒相聚縱談至  
 日夕乃罷吾兩人交誼大都不在形骸間也讀  
 其遺詩其人如在今海內稱詩者眾矣嗜甘忌  
 辛是丹非素言人人殊莫能相一要惟真性情  
 流溢者斯足貴耳紫亭之詩古澹閒遠不襲前  
 人面貌而得其神理洵從性情流溢而非拈花  
 綴葉者所能歟

錢辛楣曰紫亭先生性好吟咏以唐賢為師而

今言戶身身集  
尤愛韋左司。謂其風懷澄澹。不假矯揉。彫琢而得自然之趣。在官公事之暇。焚香掃地。默坐一室。唯素心數人。相與酬酢。論者謂性情標格。依然一韋左司也。  
吳竹橋曰。來鶴堂集。清新俊逸。穠麗奇奧。體幾無所不備。而尤得韋柳之神。蓋紫亭前輩。雖清門要職。而宵襟冲遠。不役于榮利。不溷于凡俗。故其所作詩。如其所作書畫。皆渾洒性真。自臻高妙。  
富森泰曰。紫亭詩。命意設色。無庸詞。無凡響。殆浸淫漢魏。出入于昌黎昌谷之間。而憂憂獨造。於孤詣中。見苦心焉。  
儲山詩話。紫亭先生。為大司馬河督襄勤公之文孫。世襲輕車都尉。桂實公之哲嗣也。早歲即以古大儒自命。甲戌成進士。入詞館。於天文地理。醫卜書畫之術。無所不通。改官農部。游居言路。以風節自勵。近日鐵冶亭制府。輯八旗詩鈔。不鶴堂集。選錄最多。冶亭先生。維清齋詩話云。

侍御詩。吹幽噓冷。石古苔青。曲折數經。屐齒欲折。七言歌行。頗有與溫李相肖處。餘體亦語語生新。侍御令子滄來太守。庚寅舉人。與余同年。現守彭城。有政聲。詩亦能世其家學云。

### 雨軒與益亭話

益亭時時來。疎朗對眉宇。嗜古爾何深。說詩余小補。滿瓶抱紅香。一簾織春雨。此座有春風。可惜無

### 秋浦

紫亭自註。時數日不見秋浦太史。

### 秋日有懷金山人

秋容。潔。遙。山。幽。嶺。勞。遠。目。清。清。水。之。濱。蠹。蠹。山。之。

麓空綠懸頽垣夕陽明羣木其上多秋蟬其下隱  
瓦屋落葉委椽樞寒聲驟野竹皎皎屋中人通瘦  
潔衣服秋水澹神明如蘭秀空谷礪底勸菰菌終  
年絕梁肉淒涼結短吟零星綴古牘習貧安妻子  
好禮敬農牧亦有戚與友市城罷往復何時膏吾  
車就爾山中宿山中何所有攜爾一把菊寒色動  
西風時時襲瓊馥

黃赤城曰  
得神二謝

蓬門

秋柳屯荆扉一水界虛白涼生葭荻根遠浸青山  
脈短褐迎山童掃地留煙客裊裊秋風前徘徊駐  
馬迹

郊游

輕輶出西郊浩綠豁眉宇曉風弄寒吹霖霖霏千  
樹濕雲擘遙岑流陰界山圃綺杏壓低枝煙姿綽  
紅雨一綫射輕暉小晴日卓午山影互明暗柳色  
新絲縷孤往適良辰芳景柔堪撫鈿車覆紅油香  
泥隔數武短笛壓東風淒涼入遠浦彈指十年前

風懷伊可歎

恒益亭曰芳鮮之色  
可掬淵雅之懷如揭

舒冬翁召飲鄰虛寮

開年二十日主人發白醜折簡召所忻銀鹿先期  
走卓午步以來二客繼予後一席圍春風堆盤羅  
薺韭觴以犀角杯酌之大小斗益亭感余言忍斷  
掃愁帚秋浦病甫痊拄杖未去手主人一片心乃  
令客濡首翳余病餘身淺甌亦上口是日天氣佳  
晴光滿牕牖得句便伸紙傳餐互侵肘長笛間短

吟筆硯雜果滿主人有佳婿見客如瓊玖揖人坐  
席末如看鄉飲酒益亭健欲仙秋浦歌如叟燈下  
更精神罰酒堅不受宜令末坐人舍春向外舅酒  
花滴春盤蠟花剪紅豆主人特呼中漏下巴良久  
春月何融融盈盈照左右離離天上星落落人間  
友離處兩相思聚處常相守清輝一千丈照見巾  
所有寧爲沉與酣莫作參與酉今夕此何夕流光  
不虛負風義示方來論交保無咎

清霽亭曰後半筆力  
一振便覺古色斑斕

往見傳凱亭園林小景方亭邃閣竹逕曲闌  
 及琴牀石几畢備後門臨水穿竹而去有  
 童倚扉背看煙景大江秋色乃在其後空  
 曠閒遠別有逸趣非復凡筆夏日雨窓幽  
 寂忽憶故人所作就研間殘墨寫其大概  
 時乎鮮風拂席涼翠滿林鄰家笛韻與晴  
 雲斷雨相逐爰綴新詩以懷舊雨畫不足  
 道也

風○雨○集○蒼○林○濕○雲○壓○野○屋○翳○艸○飈○斜○風○飛○花○滿○山○

麓○輕○雷○忽○裊○雲○晴○光○懸○衆○木○萬○綠○靜○枕○簟○青○煙○豁  
 秋○竹○客○倚○夕○陽○樓○門○啟○江○干○路○餘○雨○散○葭○荻○人○聲  
 喧○晚○渡○隔○窻○見○歸○帆○清○波○裁○一○幅○故○人○多○佳○思○名  
 筆○涉○佳○趣○曠○隔○近○十○載○妙○蹟○在○何○處○晚○涼○撫○殘○墨  
 風○笛○鄰○家○暮

黃谷音日讀先生此作不須看  
畫已置身在秋江煙景間矣

秋日送門人馬斯臧下第

踈○風○吹○曉○星○百○里○肅○行○李○殘○杯○對○短○燭○年○年○送○吾  
 子○余○髮○欲○星○星○卽○事○易○悲○喜○念○子○來○茲○遊○蒼○茫○八

年裏日月走雲端。雙丸亦何駛。勞勞覓微名。辛苦  
 戀小技。來云不得休。去亦不得已。世宙本寬然。驅  
 人作螻蟻。青山照歸蹤。志士心懷恥。到家何所欣。  
 生事付流水。秋期念已深。霜風復伊邇。文章隨命  
 達。會須真眼視。且留抑塞心。他時感知已。

題伊峻齋水墨山水

古墨梨花香。舊紙寒雲色。新交民部郎。畫筆營成  
 幅。松姿琢餐玉。石骨激派溜。水態自潑洄。山勢互  
 崩。芳贈我粘素壁。當面廬山識。不作九疑峰。峰巒

太惶惑。

畫圖深夜吟

銅鋪無聲。漏夜氣。鷓鴣吻衝涼。凝月色。霜風入夜迥。  
 淒。清。海。壑。仙。居。杏。難。測。笑。聲。絃。管。香。中。催。碧。幙。旋。  
 波。爛。錦。開。雲。藍。稍。熨。雙。花。袖。敷。粉。玉。郎。今。夜。來。貂。  
 兔。帶。風。撲。素。領。瑤。花。向。月。霜。蟾。耿。纖。玉。攜。時。不。覺。  
 寒。燭。奴。停。光。迴。鬢。影。綠。繡。鴛。鴦。翻。彩。翼。人。間。遂。有。  
 情。如。水。蒲。團。一。規。印。寒。月。道。人。茅。屋。鐘。未。歇。

周醒愚曰。八文合作。



桐隱園詩

先生築園曰桐隱。暉陽寶材扶輪困。蕙叢小樹相  
 陰陰。北堂露壓秋竹粉。雲根瘦倚花影攢。綠隙清  
 風一座寒。涼陰碎碎搖芳徑。十八鬟多一笑看。埤  
 坵高城流月彩。圖書清吉蠹芸靄。烏玦新磨沁水  
 花。春旗欲展馨蓓蕾。曉色微分暗碧苔。樓窻螺髻  
 點青回。依微鴈影排空盡。片片峰霞上袖來。白酒  
 一樽聯舊雨。沉沉晝漏接霜鼓。風車雨馬話當年。  
 春風幾度流鶯語。

道中吟

朝涼暮涼春煙淒。小樹九九霧葉齊。紅輪東指青  
 山西。六街浩浩掀馬蹄。畫輪對碾千回轡。二十四  
 輻相高低。金蓮錢影搖玻璃。美人碎襟衣褪褪。珠  
 樓晃日金狻猊。樓前風燕吹香泥。早來嬉子羅巾  
 題寵妹。來看風月閨。金釵客過空塵墜。蓬鬢女兒  
 隨車啼。小郎傳粉驕方笄。少年心事楊生稊。担夫  
 爭路鬚眉顰。呼招雛鳳追糖餠。蹣跚牛走當轅輓。  
 仰頸黔驢攪步嘶。花冠短衣奉醢醢。竹鞭小乘衝

雞○栖○猿○升○鵲○枝○相○提○攜○敗○較○摧○輪○互○軋○擠○塗○脂○九  
曲○爭○蟻○迷○陸○地○茫○茫○填○壑○豁○大○礪○墜○樹○標○棠○梨○城  
外○土○花○香○滿○犁○朋○友○有○約○虹○憶○蜨○手○煖○搗○杯○欲○粉  
犀○青○帘○未○捲○雲○雨○睽○殘○酒○濺○席○聞○訂○詆○客○情○似○海  
心○如○蠶○攀○援○百○尺○無○媒○梯○誰○家○少○婦○閒○長○鞋○沉○沉  
巷○鼓○連○鳴○雞○長○眉○冷○翠○折○辛○夷

鄭青野曰。句調兼溫飛卿李長吉。用韻則似昌黎。

硃印歌

有序

季父自粵歸以硃描圖章五十與瑛凡星

斗雲龍玉霓鐵線有美必臻無法不古洵

足爲清玩也爰作長歌書頁末甲戌冬日

丹○篆○仙○人○珊○瑚○筆○七○寸○琅○玕○勾○魚○乙○研○硃○擘○石○人  
不○知○赤○城○霞○起○猩○猩○血○鼯○鼯○風○雨○鼃○鼃○睡○烘○雲○滄  
露○留○精○粹○煩○將○鐵○畫○畫○銀○沙○老○樹○著○花○向○人○媚○胭  
脂○雙○臉○簪○花○女○佩○重○釵○驚○怨○紅○雨○風○流○亦○有○問○音  
人○蒼○涼○鳥○跡○探○石○鼓

送那雨蒼

二首選一

鞍○馬○東○風○裏○鶯○花○二○月○春○龍○荒○萬○里○路○楊○柳○一○詩

今詩所見集選  
人留別金言重。通經古術真。論邊當聚米。長揖大將軍。

金山人吟

山人名樞字香油

春風吹草具。澹食養閒身。一行堪成傳。平生不怕貧。清懷盟北澗。好月共西鄰。我愛常司馬。猶知重此人。

自山麓望外舅舊宅

高館張燈夕。春山校讀時。琴尊前日迹。草樹故人思。卽事詩仍在。論恩報已遲。不知庭院北。可發耐

寒枝

九日同人游馬氏園

五首選三

蕭○辰○肆○游○騎○卓○午○來○荒○園○隔○樹○未○知○處○緣○溪○已○到○  
門○涼○煙○豁○豁○竇○雜○植○互○蓬○根○指○顧○穿○山○鼻○秋○房○餘○  
綠○屯○

張老薑曰。  
古澤可菊。

指與蒼岑上。超然得野亭。林空雲養白。潭冷木涵青。風日澹懷抱。草花香酒餅。閒心寄高處。清響弄寒汀。

落鎖高城暮。幽栖返轡尋。石橋話來路。烟月漲蒼林。夜氣砭人骨。蟲聲恣野吟。論詩發涼思。一夕艸堂深。

宿馬氏園 五首選三

過夏憐才子。煙巒共此登。媽紅題晚墅。緒話擁霜燈。嘯葉歸涼浦。吟蛇戀古藤。錦囊登且記。妙墨有名稱。

鄭青野曰。似孟東野。

商飈通水樹。萬籟起尊前。夜半星辰大。霜橫艸木

堅古歡。聯菊節。恃酒得寒眠。壺聲還應發。秋懷正邈然。

邱壑丹青在。重描聚友圖。艸堂人似豆。涼野月如珠。酒興濃堪想。愁姿澹欲無。極須縹墨瀋。煙水細模糊。

憶遊馬氏園 五首選一

良園成獨憶。閒影對花枝。酒外霏香夕。林間濯露時。一亭容我憩。萬態與秋馳。盈把芳馨暮。分明共子期。

櫛山詩話紫亭先生有書益亭馬氏園游記後二篇其第一篇文近五百言不具錄錄其第二篇云去年九日與冬翁竹溪益亭游馬氏墅野逸之趣令人可想時分賦五言繼復賡和之而竹谿獨無詩今日益亭書成此卷前後得詩四十五首清言既賒依然坐我于濠濮間見三君子步菊澁陟烟邱立方亭之上笑指西北碧綠諸峯段段涼風吹其眉宇也天壤之技以能留其迹者為妙昔人謂碁不如琴琴不如詩畫以子常留其迹竹溪吾禪友持此以示想當微笑而已乙酉二月日書

傅凱亭自呼頭陀其人人筆俱妙以指頭作

畫亦傳千紙今秋下世寔足痛傷

頭陀忽奄逝秋夕增悲酸指下青山盡霧前笠子

寒酒杯輕往迹菊節負重歡直俟千年後人披故墨看

紫亭自註頭陀霧前設笠杖

小青山村解鞍閒話 二首選一

太○行○青○不○了○小○徑○結○孤○村○水○漲○圓○沙○聚○煙○橫○蘿○樹○  
屯○問○途○迎○野○色○跋○馬○落○泥○痕○十○丈○風○埃○外○青○山○暫○  
舉○樽○

冬夜有懷富竹軒回瀋在道

驅○馬○正○北○去○臨○關○路○又○東○河○梁○歷○冰○雪○裘○帽○載○霜○

今言所見集選  
風○看○月○寒○村○白○留○燈○土○壁○紅○影○搖○山○舍○裏○今○夕○一  
髯翁

李花樓曰朔野  
荒寒筆能繪出

已丑九月與金香泃山中話別有贈

秋○姿○澹○平○野○暮○氣○起○蒼○山○林○表○月○既○白○山○中○客○欲  
還○高○情○慰○愁○夕○寒○露○下○松○關○揮○手○復○塵○跡○心○長○雲  
水○間○

郭澂泉曰  
神似應物

冬夜散步用郭澂泉韻

散○步○忘○閒○迹○清○談○玉○塵○揮○青○琴○孤○嶂○在○白○酒○素○交  
非○落○葉○履○根○響○懸○鐘○樹○杪○微○月○光○寒○戀○戀○永○夜○道  
人○衣○

和慎菴將軍晚景卽事元韻

天○末○霜○風○落○虛○齋○宕○晚○陰○小○山○淒○石○氣○野○菊○澹○秋  
心○墨○續○雙○鈎○帖○聲○尋○百○衲○琴○主○人○不○可○及○得○句○太  
蕭○森○

秋夜野宿憶周介亭近在橋上

一○片○雲○羅○下○幽○灣○是○處○通○涼○天○胥○新○月○河○漢○落○西○

風野宿無多。侶清懷念所同。星華漂一水。煙草路濛濛。

楮山詩話。介亭次韻云。城郭秋深夜。雲沉雁不通。遙憐蘿逕月。坐聽井梧風。抱膝吟常久。銜杯外。底事問鴻濛。

丙申十月廿八日風雪方息燈火轉清飲酒

對花忽憶兄弟是日兒女入城祇候起居

綿邈之懷因斯有作

忽憶老兄弟寒樽慰歲華。郡齋風雪夕。獨自對梅花。境寂饒情思。斟淺淡鼓搗。遙知小兒女。相見問

清嘉。

初春曉行郊外

春星澹殘夜。曉吹起迴汀。霽雪皓林表。清光懸壑亭。一溪新破碧。萬木欲迴青。記取幽居北。春禽最可聽。

哭王總戎

昔年風雪此山圍。故李將軍晝掩扉。豆粥薄從鄰老共寒樽。寧與素交違。銅符再握旌旗變。卧榻初移草樹非。執紼於今追往迹。閒花滿地紙錢飛。

已卯初春偶詠

樓高香滿溢空濛。銀箭銅鑪夜夜風。藍袂不離七  
寶內。珠燈常艷五更中。凌晨碎葉飛殘雪。落水圓  
音動暮鐘。芳艸葳蕤人影渙。杏花猶隔畫闌紅。

李花樓曰。才調  
集中最佳作也。

畫野菊

冶冶融融亦可誇。連谿匝地屬誰家。微香和艸天  
將曉。碎影承驢路又斜。采菊風光猶展瓣。試茶時  
候漸生芽。若非點染三分色。舉世無人愛此花。

贈恒益亭

豈無濁酒酌清才。多病經年罷舉杯。竟日聊同深  
館坐。有時空逐好風來。東蒙兄弟青蓮共。湖上歌  
詩白傅裁。一向論交心迹冷。渴心日日長塵埃。

張家灣道上

西風清露起寒蟬。漠漠涼煙罨曉天。霞影亂烘村  
水外。青山涵入馬蹄前。秋花迎客皆如笑。閒事勞  
人亦可憐。為看灣頭游宦旅。幾帆風滿上流船。

秋日閒坐韻琴書屋



今言所見集選  
古  
院庭嫋嫋動秋風。艸色雲容望不窮。那有驚心同  
壯士自憐短鬢近。衰翁核桃木葉含涼雨。夾竹花  
枝綴晚紅。幸得友生相慰藉。問竒深愧是揚雄。

養目

病眸消得晚春天。垂日西齋艸樹前。風竹再三宣  
妙意。落花十二悟。因緣當年大笑貧。非病爾後方  
知累。是禪記得中峰貪。靜坐青山東下月。西圓

談二瓢曰。  
悟徹西來。

過靜齋員外舊墅

靜齋員外方亭子。翼月臨池記水痕。霧岫畫波天  
入鏡。桃花掀浪酒盈樽。面山便欲尋樵徑。背郭嘗  
矜似埜村。羽化琴書悲往事。到今愁過水西門。

楊田村曰。  
氣足神完。

秋日聞慎菴昆仲游西山兼訪金香洲

聞道金鞍聯玉友。昨朝游轡肆秋山。楓林欲染客  
先到。古澁乍寒菊已斑。竟憩吟鞭投野寺。更尋逸  
士叩松關。蕭辰總有佳懷抱。輸與王孫幾日閒。

王印潭曰。  
筆勢天矯。

秋雨酌酒話舊偶詠

又。隨。涼。雨。醉。黃。昏。忽。憶。南。崖。稻。蟬。村。萬。葉。飛。時。秋。  
不。住。千。鈴。響。處。塔。巍。存。雲。山。莽。蒼。霜。燈。夕。杯。酒。淋。  
漓。月。露。痕。話。向。微。鐘。聲。似。夢。若。除。聲。色。更。誰。論。

題門人張碧崖故館

依。然。皓。月。臨。書。室。已。去。寒。窓。教。讀。人。冷。眼。更。誰。憐。  
國。士。緼。袍。何。處。走。風。塵。一。庭。霜。色。留。清。節。滿。樹。瓊。  
枝。想。瘦。身。學。道。十。年。應。未。晚。角。成。望。爾。是。麒。麟。

韻琴堂聽雨

萬。葉。千。條。颭。白。煙。雨。聲。如。夢。卅。年。前。香。飛。波。捲。珍。  
珠。麤。墨。擁。雲。都。寶。劍。篇。少。女。風。迴。修。竹。野。美。人。虹。  
掛。落。花。天。可。能。今。日。虛。堂。聽。喚。醒。依。然。是。少。年。

鄭青野曰。  
義山高唱。

亭上

亭。上。坐。春。風。逍。遙。澹。容。與。渲。毫。寫。蘭。薰。皆。作。仙。人。  
語。

題山水畫冊 十首選一

寒。聲。兩。岸。蟲。秋。懷。千。頃。荻。雨。斷。月。初。明。孤。蓬。猶。滴。

瀝。

春郊遇雨

春。雨。漏。煙。絲。清。光。細。碾。時。小。村。芻。不。薄。只。是。客。來。遲。

題八里莊店壁

買。酒。新。茅。屋。古。村。黃。葉。秋。白。頭。老。兄。弟。今。日。肆。閒。遊。輕。陰。三。十。里。細。雨。上。巾。車。借。筆。留。新。句。他。時。憶。歲。華。

重游西山

四。松。攢。簇。誰。家。屋。一。畝。槐。陰。滿。座。清。二。十。年。前。櫻。履。過。酒。多。飛。瀑。聽。無。聲。

憶翠微之麓雜詠 三十五首選九首

迢。迢。層。碧。骨。秋。煙。空。綠。濛。濛。翠。黛。連。抱。取。嶧。桐。依。妙。隱。月。輪。三。十。六。回。圓。

鱗。風。吹。酒。帽。簷。斜。山。月。融。融。暈。露。華。記。得。粉。垣。低。轉。路。晶。瑩。如。霰。一。林。花。

清。齋。高。址。與。垣。齊。柳。下。青。山。一。抹。低。檢。點。白。雲。天。

未晚煙鬟不動竹闌西

白石山唇挂一樓涼風迢遞月如鈎舊詞漬墨蟲  
穿徧飽貯煙雲十六秋

濕雲擘絮潤珠宮梵唄微飄桂樹風乞與霜林千  
柿葉到來潑墨畫秋紅

社翁瑣語伴秋蟲油漬篝燈上壁紅門外月寒霜  
影白有人貰酒自村中

芥舟亭倚暮峰青沃綠分畦入遠汀一片春陰書  
幌暗叱牛聲得罷琴聽

野樹其風來浩浩荒溝之水去淙淙諸峯如睡秋  
容靜坐話星辰對碧空

一卷丹青歲月閒至今古色見斑斕西峯大似西  
州恨手展溪山憶舊顏

楸山詩話滄來太守跋云外祖金公曾參府陝  
西歸老翠微山之石河村以詩畫自娛行端品  
正先公攜琴書從學三載風晨月夕以遨以遊  
誦輟絃餘一觴一詠凡山顛水湄無不瀏覽而  
歲時伏臘並其地之民情上俗亦所孰習焉甲  
戌先公授庶常而外祖已棄世撫今追昔遂成  
此詩題曰憶翠微之麓念  
舊游也日雜咏思君子也

過清溪主人故宅

西風落日。起咨嗟。詩酒城南第一家。園是主人人。已盡與誰同看。此中花。

何春渚曰。澹澹寫來。感慨愈甚。

游翠微將歸別山寺海棠

已指吟鞭罷酒卮。綠陰相送馬行遲。春山檢點都無恨。只少紅兒百韻詩。

春夜夢伊峻齋亡友覺而感賦二首選一

後我而來先我去。青山之下感人琴。誰知風月春深夜。此夕幽光竟未沉。

植水仙二首

雪。白。冰。清。對。水。仙。深。杯。淺。醉。月。寒。天。微。吟。直。到。三。更。後。不。惹。塵。埃。也。是。緣。窓。外。流。風。餘。雪。鳴。與。誰。約。畧。說。平。生。岑。蒼。水。翠。知。何。處。畫。裏。松。濤。各。自。聲。

釋竹軒曰。華嚴法界。耳孔證入。

埜亭聞笛

綠。華。濕。葉。點。寒。星。一。笛。西。風。散。埜。亭。話。過。石。梁。新。月。上。餘。音。嘹。亮。在。廻。汀。

儲山詩話。來鶴堂集摘句。冷香留客夕。寒鴈渡江時。輕寒聞笛管。細艸入樓臺。抱水思千竹。街山少一樓。雁行喬木外。人語大河中。山月照殘花。歷亂海風吹。上鬢蕭蕭騷。細商兒女婚。姻事不覺。頽唐世態來。舊雨閒花寬。菊節西風清。酒壓秋塵閒。裏道心清木葉靜。中詩思繞鑪煙。

于鰲圖 滄來漢軍鑲紅旗人南來集

儲山詩話。滄來太守詩。淵源于尊甫紫亭先生。而性又耽吟。從政之暇。日課一詩。有香山放翁之風。古今體下筆千言不休。俊駛如神駒。注坡執轍登壇。所向為之辟易。錢官詹辛楣謂其幼承庭訓。屢治繁劇。練習政治。迎刃而解。王光祿西莊謂其以名孝廉為吏。循良聲習習在人。吳太史竹橋謂其和而莊。民雅而好古。設措置。動合古人。諸先生月旦之評。若此。太守以經術飾吏治。又可概見矣。

李家莊村店題壁

漸有江南意。還遲兩日程。碗仍盛豆粥。盤已進魚羹。面帶煙霞色。魂銷軹鐸聲。攜家重到此。宦久澹。

今言所見集選  
三  
心情。

秋夜高郵舟行

千○里○暗○如○墨○。檝○催○趁○夜○行○。燈○隨○星○共○遠○。風○與○水○爭○。  
聲○舵○轉○坐○常○側○。帆○懸○魂○屢○驚○。秋○深○憐○病○骨○。獨○自○歎○  
浮○生○。

斗山口望徐州用韓翃送李侍御赴徐州韻

蕭○騷○風○拂○鬢○。指○顧○見○徐○州○。劉○項○無○餘○土○。張○蘇○是○故○。  
侯○悲○生○雲○外○。鴈○寒○起○水○中○。秋○煙○霧○迷○城○市○。疑○看○蜃○  
吐○樓○。

張蟬谿曰。  
中唐音節。

蕭縣

百○里○山○無○艸○。依○城○喜○見○村○。霜○先○沾○野○樹○。水○已○入○柴○  
門○。碑○倒○荒○墳○在○。垣○頽○古○寺○存○。有○官○來○見○我○。鞞○尚○帶○  
泥○痕○。

劉平山曰。真  
處似香山。

春郊

雪○後○山○如○醉○。春○來○木○似○醒○。晴○光○融○遠○陌○。淑○氣○起○迴○  
汀○。雁○影○飄○沙○岸○。人○聲○聚○艸○亭○。東○風○吹○客○去○。一○路○踏○

青青。

鄭青野曰。人聲聚艸亭。有思致。

瓦房工次早行

旅次眠難穩。晨雞催客行。森森綠岸樹。落落遠村更。淡月全無影。寒流自有聲。征車衝曉霧。野浦亂鴉鳴。

王印潭曰。第六句。靜妙。

新泰道中

泰安南下是沂州。兒女提攜更宦游。習靜愛看山。

不動歛才翻厭水。能流楓將爛熳秋。將老柳自凋殘。人自愁。車馬殆煩途尚遠。鄉思離恨日悠悠。

誠然和尚送菜

欲悟前根。咬菜根。秋畦秋色。繞山門。無邊生意。瓜留子。一片天機。芥有孫。鋤去但聞香。滿袖蓄來。仍是綠盈盆。忻分淨土香。厨饌荔苾芬。芳道氣存。

釋竹軒曰。淨因妙義。觸處紛來。自是選佛場中人。固不碍東坡文字禪也。

叠游石佛寺韻再贈張山人

秋稼初登雨乍晴。與君相對氣俱清。眼光到處皆。



成趣。農事看來總有情。反照驚鳥攢野樹。殘雲隨雁過。高城黃茅岡上談詩久。惟聽空山落葉聲。

黃赤城曰。五。六。具體浣花。

自京口赴金陵江上早發

樹繞寒江一路斜。南徐口外客驚鴉。霧開山見如逢友。秋老楓凋似落花。萬事勞人更鬢髮。百年住世幻煙霞。六朝已往休相問。且拓篷窗細點茶。

陳浦筠曰。三四頌異。通體亦自沉雄。

石佛

丈六金身坐雪山。本來面目現人間。如如不動拈花笑笑我。浮生何日閒。

題扇面畫蓮

濂溪老友真君子。如面無端比六郎。只為一言誣到底。扇頭疑減一分香。

楮山詩話。南來集警句甚多。如登岱云。已在煙霞外。乃知天地寬。秋郊云。孤松邀老鶴。衰艸聚寒蟲。登黃樓云。秋老孤村社。天寒聚馬牛。子役河干云。磨磚作鏡難成佛。叱石為羊未遇仙。登子房山云。風定日沉山態靜。雪消冰解水光新。雪夜云。雪引人心靜。雁云。一聲叫得蓼花開。并生峭可入齊已詩式也。

江士相 元卿安徽歙縣人無俗韻軒詩

櫛山詩話元卿余表兄巴蓮舫舍人館甥也詩  
 才琴趣書法畫品冰清之與玉潤有同嗜而並  
 工焉元卿家本華廬又早有才名用茂才高等  
 需次為部郎久客蕪城處繁華綺靡之地迺能  
 絲毫為習俗熏染恂恂若寒素一種和粹靜  
 穆之氣益然出于自然其氣局淵淳頗似吾家  
 叔度微君蓋不僅對公瑾若飲醇醪而已頃余  
 游邗江白下有竹西銷夏秋舫閒吟詩冊元卿  
 為四韻題辭送余歸淮陰云登臨不必送將歸  
 為羨長吟向夕暉秋水欲波人乍別澄江如練  
 雁初飛六朝煙月頻移棹一榻僧房獨掩扉此  
 去淮陰增賦手隋隄楊柳望依稀纏綿溫潤有  
 絃外之音稱其為人也

仄步

執手出瓜步。駕言從茲發。挂席欲乘潮。臨歧豈堪別。遙遙客心悲。鬱鬱離愁結。鄉里賦將歸。關山渺難越。相逢今日情。相思後夜月。各各懷感傷。尺書慰寥濶。

何春渚曰。渾樸不落典午以後。

姑孰浦逢葉子賦此為別

姑孰浦逢之子。今我歸故鄉。胡獨違桑梓。臨歧空復情。折柳贈君行。須臾離別處。各上東西路。短亭人送長亭去。

陳浦筠曰。短章勁峭。

太白樓

西江落明鏡。飛上謫仙樓。當日一杯酒。高風萬古留。放歌自清夜。悵望臨中流。不見衣宮錦。飄然何處舟。

釋竹軒曰。四十字作一氣讀。方知其妙。

蛾眉亭晚眺

采石亭猶古。登臨亦壯哉。遙瞻小謝宅。近謁謫仙臺。山劃天門斷。江橫楚水來。坐看明月上。臨眺重

徘徊。

秦錦江日五  
六逼真盛唐

度桓公嶺

直上桓公嶺。遙看旭日東。人歸千里外。家在萬山中。  
中絕壁懸飛瀑。平林帶遠風。馳驅過此去。迴首意何窮。

吳兼山曰  
三四渾成

渡江由京口至金陵作

雞鳴渡罷日東升。此去看山興獨乘。風落潮聲辭

鐵甕天寒馬色踏金陵。一年歲序驚將晚。十月關河凍始冰。試向江南望江北。碧空無盡白雲層。

黃赤城曰。格調  
高華。大歷佳唱。

過句容懷洪子賦此却寄

句容名山域內傳。故人卜築此峯前。每思大隱陶宏景。更覓神仙葛稚川。立馬題書殘照外。臨風縱目白雲邊。何當共上三茅頂。踏遍南州八洞天。

朱澗東曰。  
律嚴格老。

玩鞭亭

當年晉帝微行處遺事由來千載垂  
悵望湖陰空有曲淒涼亭畔只殘碑  
強臣夢日環城會天子留鞭緩騎時  
若使酒家非老嫗麒麟地下又何之

周醒愚曰此學老杜離貌取神

張道渥

水屋山西浮山人蠻鄉卧還吟

櫛山詩話水屋詩有奇趣畫稱逸品以明經起家淮南鹽運判官負才傲兀坐事左遷四川簡州別乘于役金川病幾死以床作輿昇迴成都其詩艸所由名也性好騎驢有王仲宣之風揚州詩人羅兩峰為畫張風子騎驢圖水屋自題絕句十九首并小序滑稽可喜具錄以資談助序曰余自揚州夢醒旅食京華性憚車馬之險出則跨一驢舊友羅兩峰畫驢亦從之入蜀題詩以戲之越數年謫官西來驢亦從之入蜀題作俗吏吟鞭便踈驢為富兒所典余亦即赴金川之役戊午春余來成都遇驢于途驢見故主長鳴不已如泣如訴為之愴然動懷得詩十九首展兩峰畫幅題之詩曰旅食京華七載餘病多不患出無車一從拋却揚州鶴只向金臺跨白驢購得桓桓長耳公六街來往抵追風賺多俗子空疑訝日雜香車寶馬鞍何似雲中公子

狂。軟塵踏遍四蹄香。神仙俠客家。風在果老。此  
 髯總姓張。未許逃名筆墨尊。累他常繫五侯門。  
 無端欲了妻孥債。遂使吾驢怨寡恩。猶記西山  
 策蹇回長鳴。官路晚煙開灞橋。風雪蘆溝月一  
 樣清。寒送句來。風雅那能耐久貧。謫官蜀道共  
 艱辛。前年經過華陰縣。不敢騎驢愧古人。崎嶇  
 鳥道憶同經。歷盡艱危送險亭。身帶棧雲猶似  
 濕。有人流盼愛飛星。金作雙眸玉作毛。一鳴聲  
 徹碧雲高。可憐若个真英物。薄福詩人跨不牢。  
 其貌其聲本太奇。烏紗隊裏不相宜。官貧莫與  
 鶴同瘦。且試雕鞍向富兒。莫太清高自忍饑。人  
 知鍾愛合相依。強如爾主頭將白。到處傷心識  
 者稀。割舍那能心不酸。須知陶令跨驢難。年來  
 怪事無如此。爾伴商人我作官。送我西來萬里  
 行。劍門細雨動詩情。一官難免書驢券。悔殺折  
 腰太自輕。語必驚人我未能。吟鞭久矣讓詩僧。  
 騎驢仍合尊前輩。愧煞今番拜少陵。酒國詩場  
 仗爾尋。儘多王粲作知音。故人昨夜魚書至。問

到驢兒有愧心。舊雨燕山喜再逢。濡毫為我寫  
 狂容。而今畫裏驢何在。未免無辭對兩峰。面似  
 子瑜猶在眼。不聽啣艸已三秋。何期陌路匆匆  
 遇。牽過橋西尚掉頭。不盡依依奈若何。難忘  
 養舊情多受恩童。僕今誰在未必相逢。得似他  
 豈為動名萬古傳。者回準辦買山錢。他時贖爾  
 同歸去。好戴黃冠續舊緣。我又何嘗利宦途。舍  
 驢依舊是狂徒。不愁他日齒加長。正好山林伴  
 老夫。何處狂公子。雲中騎白驢。唐人句也。  
 飛星神驢名第三首第七首用此故事。

懷宋芝山

芝山芝山朝南暮北。飄乎若仙。奇不可測。畫作生  
 涯。忘有家室。酒可撐腸。累日忘食。偶寫谿山秀潤。  
 已極煙輕雲淡。更見筆力日無貴賤。待之以直人。

畏其狂是不深識與我論交不離不即居同鄉土  
遊同京國兩心相賞賞在筆墨聞向嶺南探梅消  
息梅若笑君不修邊幅君便笑梅何無顏色但能  
相攻必能相得折一枝春贈到我側

楸山詩話水屋尚有懷吳穀人法時帆孫淵如  
羅兩峰桂未谷露瓦癡董小池諸先生詩十數  
首今散選在各體中原有小序云病中屢夢與  
諸舊雨或同文酒或共笑謔恍若昔年情況因  
各懷以詩誌其平生

出成都復向金川早思歸還

招之疾疾行揮之荒荒走今我出成都何異喪家

狗來去不敢遲卑態悔自取金川雪中山放眼百  
丈陡一年數迴過見慣若培塿山田所產瓜可繼  
東陵後此去到瓜期許我早歸否攜瓜至錦城一  
枚當八九客來問長物請看大如斗客若索土物  
剖而甜其口客若稱瓜美遮却獻芹醜客若怯瓜  
寒我便暗點頭蠻鄉冷滋味先已嘗之久倘然索  
者多何以報相厚取彼瓜中子一子贈一友明年  
試種之何愁瓜不有但恐僕夫怨彭亨累擔負未  
低驚城風曇秀不費手

寄兄菊坡觀察以代面訣

鴈○行○十○七○人○只○餘○四○人○在○四○人○散○四○方○參○辰○面○難○  
對○唯○兄○居○監○司○家○聲○振○望○再○憶○到○孩○提○時○出○入○連○  
肩○背○長○我○才○九○年○百○種○施○友○愛○同○氣○復○同○心○同○父○  
莫○能○逮○厥○後○君○服○官○慎○刑○邁○流○輩○我○亦○借○圖○名○入○  
都○就○訓○誨○一○語○弗○相○欺○一○飯○弗○相○背○兄○守○五○羊○城○  
我○向○召○伯○埭○十○年○不○相○見○羨○深○魚○逐○隊○豈○期○兩○接○  
歡○都○在○京○城○內○送○別○出○蘆○溝○畫○扇○充○君○佩○出○入○懷○  
袖○間○遙○知○不○忍○廢○相○思○隔○湘○江○見○月○有○同○嘅○嗟○我○

謫○蠶○叢○謀○食○飽○飯○帑○忽○焉○居○錦○城○忽○焉○又○出○塞○異○  
域○風○土○惡○百○憂○強○自○耐○那○更○病○魔○纏○驅○之○不○肯○退○  
四○肢○齊○發○疽○痛○極○一○朝○潰○膿○出○足○數○升○牀○褥○被○灌○  
漑○慼○慼○想○今○生○料○難○共○負○載○面○訣○不○可○圖○思○兄○肝○  
腸○碎○生○已○不○成○名○蠻○鄉○死○何○悔○所○悔○不○從○佛○未○能○  
無○罣○礙○付○託○在○孤○兒○念○我○肉○一○塊○付○託○數○篇○詩○佳○  
劣○待○君○采○心○血○有○可○存○為○我○傳○大○概○

程量卿曰。愈真率。愈沉痛。情至之文。令人不堪卒讀。

懷羅兩峰



今言所見集邊  
三  
憶我廿年交耐同筆酣戰褒貶互有之都不加怒  
謹輸彼醉與豪戲墨如飛電梅能寫其香佛能寫  
其善如何此畫手揚州難久戀商人重在錢寒士  
太覺賤垂老詣京華療貧恃一視乃幸得重逢日  
與共遊讌送我出春明老淚落如霰畫我上青天  
艱難路一綫至今懸齋頭對畫如對面紅葉鋪亂  
山一紙秋光遍信能循古法千筆悉精鍊因思鬼  
趣圖是其法之變胡為攜入都博得公卿選畫人  
人皆識畫鬼鬼誰見至竟為遊戲得名吾不羨我

之所愛者不在此畫卷愛其善說鬼徹夜可不倦  
儼然鬼交語啾啾聲一片恍惚鬼在前披髮帶血  
現我雖樂竒談羣奴已驚顛回視發一笑睡魔莫  
能纏鬼趣吾不知此趣悶堪遣不見說鬼人使我  
思展轉

徐鈍齋曰兩峯鬼趣圖詩人題詠殆遍此詩抑  
揚互見直道足多篇末數行直使兩峯躍躍昏  
上洵頰上三  
毫手段也

懷董小池

嗟哉董君短於謀摩挲鐵筆到白頭博得篆刻人

爭求依舊空囊徒自羞。家貧親老事遠遊。隨人跨鶴上揚州。從此南北兩悠悠。音信不得爲君憂。君之性情本吾儔。得金便揮不暫收。其地况復多紅樓。願君養親有田疇。揚州雖好勿久留。巧哉董君長於謀。終南捷徑早自籌。手弄頑石賺王侯。名遍海內志已酬。印人傳上第一流。與君一別春復秋。思君何以解離愁。獨持小印看不休。

儲山詩話。小池客漢陽最久。與元白門。巴蓮航。胡城東並以鐵筆相尚。有四子印譜之刊。

得張船山太史書索我畫劍門圖慰其鄉思

詩以答之

好風送客日邊返。天書袖出蓬萊館。病裏喜得一函來。手戰眼昏拆不開。知君縱飲樂未足。樂足除是不思蜀。要我畫去劍門山。蒼茫雲樹認鄉關。故人那知病欲死。千里殷殷索一紙。多恐再親繪事難。使我心鼻兩爭酸。回憶前年出都日。詩朋畫侶齊弄筆。君詩一出衆無詩。畢竟山家親見之。合將奇畫酬奇句。可奈病魔不知趣。卧牀已是百日多。紙借塵封墨省磨。君才罵鬼鬼必愧。奚不寄詩以

驅。崇。我。死。僅。失。一。狂。夫。千。秋。事。業。望。君。圖。要。知。此。  
身。病。所。起。詩。酒。陶。情。樂。不。已。宰。相。本。是。君。家。風。努。  
力。豈。在。酒。杯。中。未。能。將。畫。報。舊。雨。且。進。一。言。君。采。  
取。

楮山詩話君詩一出衆無詩君才罵鬼鬼必愧  
惟太史足以當之非諛辭也後幅規箴得妙

曉發鄆縣卽景

去。城。方。數。里。一。帶。膏。腴。田。曉。露。鮮。平。野。春。霞。繡。遠。  
天。林。梢。鴉。已。動。村。口。犬。猶。眠。欲。問。鄆。筒。酒。與。人。暫。  
息。肩。

刮耳崖

前。路。識。崇。化。高。崖。列。翠。屏。桃。源。全。在。眼。雲。棧。小。同。  
形。石。丈。須。低。避。山。靈。戒。妄。聽。下。臨。千。尺。澗。倒。影。萬。  
山。青。

至崇化屯署

半。載。離。山。署。入。門。桃。正。開。蠻。鄉。緣。未。了。道。士。笑。重。  
來。眼。底。瓜。期。到。尊。前。花。信。催。送。將。春。去。後。吾。亦。樂。  
歸。哉。

在屯值寒食節二首

又是清明節。殊方雨氣昏。客心空自苦。鄉思向誰言。地下無中外。人間有漢蕃。紙錢真可用。一樣盼兒孫。

時節牽歸夢。猿啼夢又闌。宦情原不熱。旅食本長寒。何異投荒客。真成耐冷官。我非無麥飯。欲洒墓田難。

鄭青野曰。凄咽已極。

誌怪卽事

昔時爭戰地。疊石起公廳。枯骨支墻白。寒燐繞砌。

青鬼依河畔。哭人慘雨中。聽此景淒涼。否三年已慣經。

櫛山詩話。水屋又有誌怪卽事七言一律云。官到無爲佛。不如松棚石室倚。山居庭鋪曉日。吏捫虱池灌春流。婢釣魚暴客何勞宵擊柝。睡魔未許晝翻書。一瓶麥酒隨興醉。消得光陰三載餘。自註云。其地從無盜賊之患。故有第五句。

懷霸瓦癡

愛研稱癡絕。安貧喜夢清。有衣忘近敝。無畫不求精。本帶神仙骨。益尊宗室名。水山知早避。才覺是聰明。

水屋自註靈君得古瓦硯因字瓦癡寫山水花  
鳥無不臻絕境與和相至戚從不登其堂求其  
畫從無一幅應之誠有先識者也  
楮山詩話水屋亦曾以不作畫忤和相在蠻鄉  
病中有可歎六首其一云獻畫呈圖亂掃門而  
今半幅究何存自憐一個顛狂客強要人間筆  
墨尊指此也

暮至山店口占 二首選一

行行忘幾日。峯密峭寒侵。病仗山靈護。詩隨木客  
吟。支撐殊費力。勉強只憑心。野鳥逗人羨。倦飛有  
故林。

先芝圃曰此題第一首頷聯云日斜山弄色村近樹呈身亦有思致

路見菜花 四首

本來上巳是花辰。行役何妨當踏春。怪底黃金鋪  
滿地。惹教芳艸妬爲隣。只應命似貧家女。曾把色  
憐。饑歲人彷彿秋英。良有以賺他楚客。悞嘗新  
芳菲。叢裏布衣尊。艸木中間費比論。博得春心憐  
隴畝。不分日色繞山村。道邊供我吟成趣。世上何  
人咬斷根。多恐花王搜四野。難逃賜號小黃門。  
不貪艷色門。嬌紅實濟能。黍五穀中。記得烹調甘  
澹泊。可憐開落老英雄。花明應識灌園力。葉嫩將

成學圃功未免過多人見慣一般長養自春風  
嫩黃慚比姚家種自分煙畦賤且微不入名園方  
得靜好憑老圃穩相依生來已幸無人賣望去猶  
疑是蝶飛終日繞籬成一色有誰曾插滿頭歸

懷法時帆祭酒 二首

愛才真覺世無同博得羣才屬望公四海詩名觀  
壁上一年吟興載車中人如瘦菊含清氣巷有垂  
楊送好風萬里難忘元亮宅夢魂幾度越蠶叢

水屋自註祭酒齋中四壁皆友人詩自言每日於車中必得詩十首率以爲例

典衣遊讌事長爲任笑官貧自展眉梧月一庭人  
對酒荷風兩袖客投詩回思芍藥牽離恨正見蓼  
莪引痛悲若向圖中懷舊雨病多不似跨驢時

水屋自註公庭中有雙梧每月夜留余對酌近  
淨業湖湖中荷香十里余出都時值公遭大故  
公每招客同遊必有圖有詩

懷桂未谷明府

相逢便覺兩忘形日日爲歡托綠醅對酒不愁船  
可載工書轉苦筆無停盤餐苜蓿面如菜宴到櫻  
桃鬢已星聞向滇南遙作宰巴山難望雨同聽

水屋自註。英夢堂相國。以銀船為酒器。客多懼之。唯未谷能連盡數船。未谷工隸書。每來都中。應酬諸索書者。筆未去手。由廣文舉進士。余以一聯賀之云。推却首蓓盤。面猶如菜。盼到櫻桃。宴鬢已。有星大。為稱賞不已。

諸蕃提壺送別淚隨酒傾感賦二首

漸負羣酋。依戀深爭。攜麥酒帶愁。斟須知此日。千行淚。都是連年一片心。空對離人勞念舊。勿憂來者。不如今邊笳吹滿。薰風裏化作銷魂送客音。星日依然氣候偏。謫居誰料識蠻煙。捫心敢道真無愧。撒手何求再結緣。民有漢蕃皆赤子。地分中

外總青天。朝廷開土原。非易撫恤殷。殷望後賢。

周醒愚曰。敦厚悱惻。不減元道州。中多名言。不比泛別吏民之作。

附錄丙辰歲作

偶卜流年卦。見屯此來方。悟數先存生逢。昭代。聞人少坐領蠻鄉。小吏尊嵐翠。一庭山孕屋浪花。千頃水當門。風光縱道殊。沙漠冷雨荒烟晝。亦昏

過八郎山 二首 選一

大風何處辨神姦。行客惟知早過山。堪笑飛廉空惑俗。不能吹我入鄉關。

水屋自註。入郎山。過午則飛砂走石。行人過山無不絕早也。

有所憾

垂死名心愧未闌。不言家事不言官。未將詩句災梨棗。子蠢交稀了願難。

懷吳穀人先生 二首

桃李栽成到處濃。一官不枉作冬烘。天將南北如澠酒。難買詩人半面紅。

道子原來慣寫生。騎驢一賦畫中情。詩篇却似雲林畫。洗盡鉛華筆筆清。

水屋自註。余入蜀時。先生為我作細雨騎驢入

劍門圖賦。

儲玉琴曰。穀人先生有正味齋詩。潔淨精妙。真是洗盡鉛華筆筆清也。

懷孫淵如觀察 二首 選一

似君那在展猷為。一展猷為不展眉。世上無如名士好。翰林遊戲到監司。

病中寄呈徐玉崖先生 四首 選三

追隨猶記菊花開。得酒長呼小子來。多恐暫離成永別。那能無恨到泉臺。

錦里蠻煙費苦吟。西來能得幾知音。他人可使恩



如海未抵憐才一語深

論文已獲無窮益得句還容我浪評前輩風規今  
漸少病中只是夢先生

病略減擬以床作輿舛成都 二首

板與一笑換繩牀病骨支離客路長隨處便埋隨  
處了學他荷鍤竟何妨  
能詩能畫枉勞神多病多愁總宿因上帝但求真  
板板玉樓斷不召狂人

張 鏐子貞江南江都人張老薑詩

楮山詩話子貞有吟癖雖隆冬盛暑弗少輟作  
畫善神行從不假以修飾尤精篆刻法漢唐能  
於無意中得其神髓非世之徒言皮相者比近  
之陳曼生董小池視為畏友其為人古趣盎然  
澹泊自守洵可謂  
安貧樂道之士

出門

畊田願有獲讀書願有成二者與我違終日徒營  
營食指計已繁憂愁日煎并樹老枝葉稀安如昔  
時榮露重却非雨焉使溝澮盈艱難向誰告寂莫  
傷我情忽聞兒曹言不見東隣生驅轅走四方干

今言所見  
謁多公卿。去年衣不完。今年厭肥輕。阿耶姑效之。  
暫住呻吟聲。俯思計良。是出門涕愈。傾天涯路迢。  
遞當向何方。行顏復歸來。依然卧柴荆。

吳竹橋曰。氣息從漢魏浸釀來。

秀谷以紀行詩示我卽和二章

登攝山最高峰

攝山已稱高。百里猶在望。岌岌太虛亭。更在中峰。  
上西峰秀且聳。東峰挺而向。兩峰畏雄特。僂僕亦。  
相讓。愛山已忘疲。到頂神益王。身出飛鳥外。子立。

何所傍。舉手天尺咫。排足風鼓盪。烟開來羣山。江。  
遠失波浪。巨觚僅如葉。中流倚漂漾。不知舟中人。  
見我又何狀。金陵形勝區。山水出塵塊。卽此地幽。  
曼疇能眼不放。飄如凌虛游。仙人手可抗。蓬萊似。  
不遠。呼吸可相訪。日落松吹來。謾謾動岩嶂。山氣。  
着我衣。高寒欲增纒。蒼然物外心。對此心彌罔。緬。  
懷明隱君。高躅人不忘。何當呼之起。千秋作牙曠。

采石謁太白祠

江行未見山。黛色已滿舟。一壁削萬仞。崔嵬割滄。

今言身身身  
洲山根東波濤崩奔長年愁蒼茫西風來江聲共  
咆咻揚帆不能前倚棹菰蘆秋無乃詞客靈要我  
一暫休蕭條謁祠宇登頓到上頭陰森入古木髻  
鬚來靈旂公才倍千古炳耀孰可伴嗟我漢西叟  
與公情綢繆平生憂國心江海同一流夜郎身既  
迴遂作放浪遊周顏借酒色三春化嚴秋騎鯨事  
恍惚墊乘安足搜山川因公名亦足長悠悠乃知  
古才人身沒名獨留歸當破萬卷放筆凌九州

小秦淮春曉曲

盈盈一水春城曲曉烟低抹垂楊綠家家水閣藏  
春暖春晝苦長夜苦短湘簾沉沉鈎未控雞聲叫  
破鴛鴦夢長夢短歡無多殘星在天月在波風  
吹落花將奈何

楮山詩話江都蕭晴岩同作云桃花剪紅柳搓  
綠春禽破曙啼聲促蘭缸未滅湘簾沉蝶夢迷  
花猶未足流蘓帳冷春將別天上殘星逐殘月  
舟子頻催畫槳移隣鷄叫散同心結同心結散  
朝曦透欲起不起金釵溜手把盤龍向水牕曉  
煙抹盡春光瘦甘泉汪玉屏同作云漏聲竭歌  
聲歇比戶鎖鴛鴦沿花宿蝴蝶珠網微微織曙  
光還疑半斂花牕月流蘓帳壓春愁重未醒吳  
儂蜀山夢忽地流鶯喚曉粧門前已纜芙蓉艤  
個人強起青蛾斂尚怪春宵不肯長打槳復打

樂郎今欲何往。露艸綴新啼。烟絲媚餘想。勸郎莫向西家住。西家樓高天易曙。

海門菴聽潮

焦山山下潮欲來。海門菴外聲喧天。呼地吸勢。涵湧水石搏激晴。天雷我來聽。潮山上坐我與山僧。只兩個狂飈吹人人欲倒。卻疑山在潮中播。僧吟鞞鞞聲不休。海若大笑天吳愁。江光海氣接芒昧。潮中彷彿神霧游。潮去潮來朝復暮。一歲七百二十度。歲歲聽潮幾人老。江山不改潮如故。我喜聽之雙耳新。竭來自謂滌塵氛。豈知僧住潮聲裏。

聽。慣。潮。聲。似。不。聞。

楊田村曰。筆力勁峭。

張三丰拄杖歌

眼底枯查忽相向。傳是仙人所遺杖。千秋不朽塵海間。一枝倒插崩垣上。落皮霜骨陵清秋。雲光寶氣交騰浮。山鬼啼寒霹靂死。狂飈拔地蛟龍愁。我憐神仙舊手澤。相對摩沙增太息。赤藤筇竹何足珍。青藜綠玉今蕭瑟。卻疑三丰當時初得仙。身騎鸞鷲凌蒼煙。手中之物若疣贅。紅塵一擲五百年。

今言所見集選  
仙人已窅物尚在。往往人間露光怪。枯木逢時竟  
有神。病夫祈禱還無賴。吁嗟乎。爾杖何不潛身入  
冲漠。何不化有歸。虛無胡為幻。惑驚凡愚葛陂之  
竹。久變化。鄧林遺木還扶踈。吁嗟爾杖終何如。

老薑自註。杖在句曲城。中昇仙里民家。

過蕭氏城南別業

故人久不見。偶作城南行。一路埜烟暮。到門山月  
生。床頭出家釀。厨下具蕤羹。共醉風檐下。潺然來  
澗聲。

秋夜宿枕上人院

閒眠遠公榻。塵夢了無驚。何處來山雨。松風入夜  
聲。靜中秋宵渺。天外月空明。不用蓮花漏。溪禽解  
報更。

唐芝岩曰。三四盛唐。

初夏湖上卽事 四首選二

一出紅橋路。湖光便接天。孤舟延暮色。雙槳入空  
煙。鶯老無喉舌。春歸尙管絃。不妨判爛醉。閒伴鷺  
鷗眠。

綠暗隄邊樹。紅深海上霞。晚香餘芍藥。新漲沒蒹葭。燈亂飛星影。人喧賣酒家。是誰吹玉笛。嗚咽起圓沙。

蜀岡探梅

我來問消息。春已滿平岡。一鴈積成雪。四山都是香。心惟向泉石。骨自鍊冰霜。待把殘英掃。歸家當鶴糧。

高樓庭曰通體明澈五六白喻

題汪玉屏竹屋聽秋圖

有聲天半落。直到艸堂前。萬竹起寒色。一燈聽悄然。晚心澹孤月。秋思冷蒼煙。滴盡蓮花漏。知君猶未眠。

鄭青瑩曰前半高潭結尤是唐調

同汪玉屏倪米樓湖上泛舟

艸舍新綠柳。輪黃一棹平湖。思香茫春水。忽添前夜雨。梅花猶似去年香。幾曾人醉樊川夢。依舊山平六一堂。從此東風便無限。酒旗歌板好相將。

登觀音閣

日○落○諸○天○動○客○愁○上○方○燈○火○舊○迷○樓○笙○歌○宵○宵○青  
山○暮○鐘○梵○泠○泠○碧○樹○秋○初○地○忘○情○僧○亦○老○美○人○如  
夢○月○長○留○可○憐○一○片○雷○塘○艸○歲○歲○春○風○接○玉○鈎

李花樓曰鐵畫  
銀鈎無瑕可索

賈生

賈○生○慟○哭○竟○何○如○年○少○才○名○信○不○虛○一○自○長○沙○遷  
謫○後○更○無○人○上○治○安○書

蕭

炳晴岩江南江都人春波館吟藁

儲山詩話晴岩性坦率任俠尚義雖溷迹市闈  
有長者風鄉之士大夫咸愛與之交江都關南  
薄船和尚偕西林吟社延四方名流宋有不心  
賞其為人周醒愚注玉屏張老薑尤相契合晴  
岩近選刻西林吟友詩頗具隻眼春波館集五  
言取法盛唐江東談培謂其不矜才不使氣是  
寢食古人而得其神者定評也

題秋江晚渡圖

無○盡○蒼○茫○意○蕭○蕭○荻○葦○洲○雁○橫○天○外○影○人○渡○月○中  
秋○水○墨○披○新○繪○瀟○湘○記○舊○游○風○波○應○不○到○翻○羨○此  
扁○舟

周南垣曰三四唐句

宿。碭。山。縣。農。家。主。人。彭。姓。風。雅。士。也。贈。四。韻。  
古。道。夕。陽。斜。來。尋。隱。士。家。短。籬。深。護。竹。茅。屋。淺。藏。  
花。留。客。還。分。榻。論。心。更。煮。茶。一。宵。魂。夢。穩。忘。却。在。  
天。涯。

過白雲觀

古。樹。含。重。嶂。仙。居。擁。白。雲。地。幽。招。羽。客。門。掩。避。山。  
君。春。艸。碧。無。際。野。花。香。不。羣。四。圍。峰。巖。劣。樵。語。隔。  
溪。聞。

蜀岡晚眺

平。岡。聊。徙。倚。極。目。意。閒。閒。埜。濶。含。煙。迴。林。踈。任。鳥。  
還。遠。鐘。催。落。日。寒。葉。下。空。山。何。處。尋。歸。逕。樵。歌。杳。  
靄。間。

張蟬谿曰格似唐在後半首見本領

棲霞山

太。虛。亭。上。坐。落。日。下。孤。峰。日。送。長。江。水。風。喧。六。代。  
松。難。尋。僧。紹。宅。不。見。總。持。蹤。四。望。烟。嵐。合。空。山。響。  
暮。鐘。



寶華山

誌公遺迹在。雲護拜經臺。樹老埋幽徑。崖深疊古苔。駟龍行雨去。遊客避塵來。何處流泉響。聲傳萬壑哀。

金山夜泊

夜泊金山寺。潮聲落枕寒。漁燈明折葦。雁影下危灘。水濶蛟龍卧。秋深艸木殘。五更鄉夢醒。猶認住江干。

曉發

月下層巒影。鐘來隔岸聲。夜潮隨櫓去。落葉帶帆輕。鄉夢已難續。客愁何日平。曉光開倦眼。樹樹鳥飛鳴。

楸山詩話。晴岩大觀樓看月。句云。江聲流不斷。山色更蒼茫。惠泉句云。松陰穿路細。泉影襲衣涼。宿趙村驛。句云。怪鳥聲何急。孤燈色自青。慈航寺云。僧吟。明月下。雲寄亂峰頭。并可誦也。

平山堂

四首選一

迷樓遺址杳無存。十里湖山浸水痕。雲斷夕陽飛鳥急。風吹落葉暮烟昏。青帘隱隱招游客。花樹層層抱遠村。自是二分明月好。清光偏照法王門。

棲霞秋夕

碧天開起玉芙蓉。林隱烟霞路幾重。孤月夜沉雙  
澗水。虛岩寒倚六朝松。桂飄仙露香初韻。苔疊雲  
根色倍濃。此際已窮千里目。不須還上最高峰。

嶺山詩話晴岩七律聲調色澤均不失唐人矩矱正法眼自知

雪夜聽漁莊彈琴

未赴探梅約。來聽雪夜琴。冰絃纔一拭。已洗故人心。

新河曉發

隔岸曙鐘鳴。遠村雞唱歇。遊子動歸心。孤舟趁殘月。

牧笛

水留烟靄四山昏。短笛吹殘夕照痕。一路杏花遮  
不得。數聲幽咽到柴門。

金山雨中聞笛

江潮初上沒危灘。烟雨迷離暗石欄。料得漁人收  
網去。一聲風笛水雲寒。

不辨雙窰幽... 水宿歐... 金山... 賦...

汪坤 玉屏安徽旌德藉江蕪揚州人蓮勺亭詩

櫛山詩話玉屏以八斗之才兼一石之量既吟  
嗜飲不拘小節每踈于治生世多目以爲放然  
其輕財任俠襟抱渾然雖困貧坦如也吾歛胡  
夢仙嘗爲之序云卽其動心忍性可爲他日大  
受之地嗚呼又豈卑卑者所能見及哉玉屏有  
酬贈隨園先生詩云人人東野願爲雲構標終  
慚大匠斤果是有才方不負何愁沒世更無聞  
雕蟲敢恃書生技片石皆從太華分一部琅函  
傳枕秘朝朝惟借佛香熏詩多才調固袁門之  
高足李艾塘揚州畫舫錄亦嘗道其爲人

秦王缶

樂至則無怨禮至則不爭寡君旣奏瑟王不鼓缶  
王何心王不鼓缶王不屑臣請濺以頸中血秦王

怒。眾。欲。殺。叱。聲。起。乍。聲。發。

秦松嵐曰。轉接處。急促合拍。

馮驩餓

彈。鋏。歌。歌。乍。舒。食。則。有。魚。出。則。有。車。彈。鋏。歌。歌。忽。轉。母。也。既。飽。且。得。暖。其。時。幸。獲。孟。嘗。知。不。然。躡。屨。將。何。之。君。不。見。朝。挾。瑟。暮。挾。瑟。三。年。亦。有。齊。門。客。

挑薺詞

年。年。二。三。月。花。開。滿。地。春。如。雪。歲。歲。一。陽。生。土。膏。漸。煥。根。芽。萌。行。行。遇。邱。壟。采。采。當。嚴。冬。有。時。擷。路。

旁。間。復。披。荆。叢。艸。根。積。凍。雪。原。野。號。朔。風。風。枯。艸。勁。十。指。僵。終。日。未。能。盈。一。筐。歸。來。只。合。和。根。煮。入。市。無。如。賤。於。土。吁。嗟。珍。羞。厭。飫。亦。有。人。誰。復。此。中。辨。甘。苦。

山館秋夕

山。靜。漏。偏。長。蕭。蕭。葉。滿。廊。亂。蛩。寒。擁。月。一。雁。夜。呼。霜。書。卷。銷。松。液。葫。蘆。罄。酒。漿。此。時。孤。坐。客。端。與。物。相。忘。

程禹山曰。領聯中唐神韻。

雪後松筠軒對月  
不。料。今。宵。月。能。於。雪。後。看。洪。荒。同。一。徹。天。地。莫。非。  
寒。對。我。成。三。友。如。人。得。二。難。明。珠。探。手。得。盛。在。水。  
晶。盤。

李舒園曰。魄  
力頗似茶村。

### 客中寒食

柳。絲。風。細。雨。初。殘。店。舍。無。煙。食。又。寒。芳。艸。夢。中。家。  
遠。近。野。棠。花。下。鬼。悽。酸。但。憑。生。菜。聊。充。酒。自。有。啼。  
鵲。伯。倚。闌。小。趁。斜。陽。過。江。上。亂。峰。無。語。學。眉。攢。

中秋後二日余有宣州之行袁稚山郭癸生

葉樹屏同來舟中話別流連經宿至次夕

解纜時始各悵然而返

一。宿。河。橋。傍。酒。旗。孤。舟。臨。發。又。遲。遲。見。聞。未。廣。甘。  
飄。泊。朋。好。無。多。怕。別。離。落。日。愁。心。揚。子。渡。晚。燈。歸。  
路。蔣。王。祠。教。人。何。計。能。堪。此。依。舊。蓬。窓。月。上。時。

### 憶春 四首選一

千。金。無。怪。買。無。從。芳。艸。都。難。識。去。蹤。待。欲。再。尋。南。  
浦。地。可。宜。還。問。曉。時。鐘。輕。塵。短。夢。人。何。處。剩。水。零。

山路幾重比似小園花落後不勝悽絕往來蜂

鄭鴻亭曰  
細膩有骨

### 雪後湖上看梅

聊乘雪後獨浮查愛此湖山冷趣賒看到千林渾  
一色教人何處辨梅花

楮山詩話蓮勺亭詩摘句初冬官齋夜話云都  
在異鄉歡不易遠從千里聚尤難歸後集貽清  
堂云秋風客路悲雙鬢舊雨茅堂聚一燈燈花  
云有生命薄同朝權絕代人誰識夜來憶春云  
去日亂紅寧可問別來新綠已無涯月夜看秋  
海棠云艷絕只疑香在骨夜涼還恐夢為雲

